



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA, QUOD LIBETARIIS DISPUTATIONIBUS

manè discutienda in Scholis Medicorum, die Jovis octavâ mensis

Martii, anno Domini M. DCC. LXX.

M. CLERIADO VACHIER.

Doctore Medico Præsidente, Theses Auctore.

Num bubones Critici in febribus malignis statim incidunt?

I.



MIASMATA vitiosa vel in corpore nata, vel extrinsecus suscepta & intra circulationis vias abrepta febribus humoralibus originem præbent. Hæc ed periculosiores, quod illa difficilior aut naturalibus humorum moleculis assimilari, aut per variolatoria foras amandari queunt. Idcirco febris maligna tragicas inferre solet. Etenim sævissimi hujus morbi causa est materia (a) multum sed inæqualiter spissa particulas diversi generis nimirum alias accrescentes,

(a) Fices, Traç. Febrile, cap. de Febre maligna.

2

alias acres, alias acerrimas ac velut venenatas in sensu suo gerens. Hinc oriuntur symptomata eò graviora, quò alia aliis contraria medelas oppositas exigant. Quantumvis numerosa sint & atrocia febris malignæ symptomata, quantumvis composita sit illius causa, quotiescumque varias indicationes adimplere licet, & infarctus viscerum inflammatorius venæ-sectionibus ac demulcentibus ita cautè expugnatur, ut attendatur ne fibrarum tonus in eo morbo multum debilitatus omnino frangatur, & fluidorum spissitudo cardiacis emendatur & pravorum succorum in primis viis nidulantium emeticis ac catharticis evacuatio prompvetur, sed eà cautelâ quâ præcaveatur ne materiæ morbide molecule acres excandescant; toties morbi favitiem profigat ars Apollinaris. Interdum ex medentibus non tantum requiritur opus, scilicet quando viscera vel remediis adjuta vel ex se ita robusta ut ad partes externas febrilem causam ablegent: tunc glandulæ, ut potè quæ debiliori textu dotata infarciuntur, inflammantur; hinc bubones, qui ideo critici nominantur, quia iis oboritur febris malignæ symptomata remittuntur. Verum licet morbi causa in parte ignobili velut incuneata videatur, haud contemnenda. Eriam-num ex metastasi in prociectu sunt maxima mala, quæ ut avertantur eò dirigenda est Medici cura, ut terribilis labes e corpore citò citius educatur. Idcirco si nulla opera hunc finem maturius assequatur quàm bubonis incisio, hæc statim celebranda.

I I.

BUBONUM curationem duobus modis aggredi solemne est, nempe resolutione & suppuratione. Priorem medelam suscipiunt bubones essentielles; hi enim licet producantur aut à cohibita secretione aut ab ictu, modò venæ-sectionibus e glandulis revellatur sanguis, ac solventibus topicis & humoris concreti attenuentur & resocilletur vasorum tonus; fluida prius stagnantia vel per cutis poros volant, vel emendata & assimilata sanguinis vias absque noxâ iterum subeunt. Nec infelicitè resolvuntur bubones symptomatigi, sic hydragirofi ritè administratâ haud infrequenter discutiantur bubones venerici; imò cum huic cesserunt, lucem syphiliticam radicibus fuisse extinctam pro certò habetur. Et ipsi bubones pèstilentes qui, non secus ac alia dirissima symptomata concomitantia, soboleseunt ab insigni corruptelâ sanguinis in suâ crasi perverſi, à remediis sanguinis universam labem resarciuntibus, non neglectis topicis, quandoquè resolvuntur. At verò bubonum criticorum in febribus malignis resolutionem tentare, grande piaculum credas. Vel non fiet resolutio & intereà conamine inani prorogabuntur aegrotantis cruciatus, vel quod pessimum, venæ-sectionibus revellatur ad interiora fluidum exitiale, topicis ad viscera repercutientur miasmata venenosa, remediis internis ab opere salutari aniovebitur natura: hinc lypothimia, syncope, comata, obscura deliria, tendinum subsultus, inflammationes viscerum gangrenodæ, mors. Verum valentissimo molimine juvetur natura quæ hostem insensissimum superare non potis, eum removit: Oculis e corpore extimitur materia quæ illius ruinam machinatur. Non tutiori medelâ educuntur inemendabiles succi in glandulâ sævientes quàm ipsamet suppuratione glandulâ. Quis ergò incicias eam suppurationem celerissimè esse promovendam.

GLANDULÆ, cum vasculis lymphaticis pluribus inflexis potissimum consentiunt, paucioribus vero sanguineis intertextæ sint, lentè ad suppurationem ducuntur. Præterea in bubonibus criticis plurima suppurationi obstant. Humor maximè spissus attritioni reluctatur; glandularum vasa prius febre malignâ debilitata jam infarctu obruta debilius oscillant; sanguis corruptus in anfractuosa glandulæ recessus debilitatos conamine naturæ pulsus intestino motu signiori donatur. Attamen unico opere suppuratorio tutò exterminari potest teterrima lues. Idcirco cum bubonum criticorum spontanea suppuratio non nisi ægerimè peragi queat, potentissimâ arte excitanda. At non alia encheiresis efficacius & tutius metam attinget quam glandulæ incisio. Hæc enim operatione profundetur sanguis sordidus qui, tanquam febris malignæ colluvies, stagnabat. Idèò imminutus in glandulâ resistentis novus sanguis jam expurgatus majori copiâ appeller, vasa sectione irritata validius oscillabunt. Quæ cum ita se habeant nemini non liquet suppurationem brevi futuram. Mox enim vasa secta in se retrahentur, & ab aliis pressa humorum effluxum negabunt; interea vasa integra, eò magis turgescientia, quod nullus per secta meatus, validius oscillabunt. Hinc atterentur vasorum sectorum tunicæ unâ cum fluidis contentis & per inflectum vulnus citò evomentur miasmata exitiosa.

I V.

QUANTI bubonum criticorum in febribus malignis valeat incisio; ex periculis ab eâ propulsatis pendatur. Periculum est ne cordis, & arteriarum vires à febre malignâ labefactatæ impares sint ad glandulæ vasorum tonum ita frangendum, ut materia morbosica in his figatur, & idèò timendum ne ad organa præstantissima iterum venefica illuvies abigatur. Supposito quoddam glandula ita liquidorum impulsui cesserit, ut lymphatica omni tono fuerint orbata, vi systalticâ in sanguiferis permanente, hæc lapsu temporis se se expedient, illa verò unâ cum contentis solidescant, indurabuntur; unde scirrhus canceri parens. Quantumvis deterrima sint ab induratione impendentia, ut pote quæ dissita maximum terrorem non incuriunt. At ostia pulsant gangrena & sphacelus; quippe cum sanguifera omnia jam turgida ita novo impulsui cedant ut summo opere dilatata reagere nequeant; in his contenta tanquam in cloacâ putrescant. Aut licet sanguifera systalticas vires retinuerint, mox particulæ acerrimæ ac velut venenarum omnia vasa corrodent, lacerabunt & vasorum lacinie unâ cum fluidis extravasatis in putridam putrilaginem abibunt. Unde partis corruptio citò, totius necem illatura.

V.

ASSIGNATA bubonum criticorum in febribus malignis causâ; perperis urgentibus periculis quæ ab eorum incisione arcentur; quis dubitet hanc statim celebrandam? Huic autem operationi exequendæ se

4
 accingens Chirurgus det operam ut *Stenonis* ductus in parotidibus à sectione sint immunes, ut axillæ vasa & nervorum trunci à sectione bubonum in axillis non lædantur, ut incisio hanc directionem obtineat, quæ cicatrici successuræ non noceat. Idcirco parotides ope scalpelli recti profundè inciduntur juxta lineam perpendicularem ab auribus ad angulum maxillæ; in glandulis axillarum & inguinum sectio sit transversa, dein scarificetur glandula si imminens gangrenæ sit suspicio. Sectâ glandulâ, sanguine effuso, inferantur penicilli unguento basilicone, theriacâ & balsamo sulphuris therebintinato illiti. Demùm operiatur tumor iis quæ suppurationem protrahant. Hâc encheiresi citò, tutò terminabuntur bubones critici. Nobis incassum objiceret expectandam maturationem & juvandam topicis, ut dein collecto puri exitus lanceolæ ope præbeatur; cum jam jam probaverimus suppurationem spontaneam admodum incertam esse, sed è contra metastasum & gangrenam maximè imminere. Unde concludere licet

Ergò bubones Critici in febribus malignis statim incidendi.

DOMINI DOCTORES DISPUTATURI

<i>M. Ambrosius - Augustus</i> BELANGER.	<i>M. Dominicus - Joannes-</i> <i>Baptista</i> DELA BICHE.	<i>M. Natalis - Andreas - Joannes</i> <i>Baptista</i> CHESNEAU.
<i>M. Franciscus - Maria</i> LE MOINE.	<i>M. Joannes - Baptista - Eugenia</i> DUMANGIN.	<i>M. Joannes - Franciscus</i> PARIS.
<i>M. Joannes - Augustinus</i> COUTAVOZ.	<i>M. Ludovicus - Alexander</i> GERVAISE.	<i>M. Dionysius - Claudius</i> DOULCET.

Proponerat Parisiis BARTHOLOMÆUS-PETRUS DE LA NOUE, Parisinus
 Eques, Senatus Parisiensis Patronus, nec non Saluberrimæ Facultatis
 Medicinæ Parisiensis Baccalaureus A. R. S. H. 1770,
 à sextâ ad meridiem,

Typis QUILLAU, Universitatis & Facultatis Medicinæ Typographi 1770.